

Aug.  
8255



# CONCLUSIONES

## EX

UNIVERSA THEOLOGIA DOGMATICO SCHOLASTICA.

Menti Venerabilis JOANNIS DUNS-SCOTI Subtilis ac Mariani Doctoris, nec non aliorum SS: Patrum conformes.



I. **T**heologia secundum substantiam spectata simpliciter & absolute necessaria est toti Ecclesiae, non vero singulis fidelibus II. Scripturae Sacrae ab Ecclesia nobis propositae, sunt libri veri, & non suppositi. III. Qui Divinam praestant Authoritate, seu sunt ipsummet Verbum Dei, ac proinde infallibilis regula Fidei. IV. In Lege nova praeter Verbum Dei scriptum, necessario admittenda Traditio Divina, tanquam altera fidei regula. V. Unanimis SS: Patrum Consensus in aliquod dogma, Certissimum, & infallibile argumentum praestat; estque fidei regula. VI. Non soli praedestinati sunt membra Ecclesiae. VII. Ecclesia est una, extra quam salus obtineri non potest. VIII. Quae ita est visibilis ex natura sua, ut semper oculis omnium Conspicua Sit. IX. Romanus Pontifex jure Divino Primatum honoris, & jurisdictionis habet, in tota Ecclesia. X. Existentia DEI non potest demonstrari a priori, bene vero a posteriori. XI. Quem Unicum esse fidei Constat. XII. Attributa Divina absoluta nec inter se, neque ab Essentia Divina, neque relativa



lativa ab eadem Essentia, distinguuntur, distinctione reali actu-  
ali, ante mentis operationem; Sive illa distinctio sit realis  
major, sive realis minor, sive formalis a parte rei. XIII.  
DEUS à nemine unquam visus est aut videri potest, oculis  
Corporeis. XIV. Fabulosa, ac delira est, Millenariorum  
de Regno Christi in terris Sententia. XV. Animæ Justorum  
quibus nihil superest expiandum, statim post mortem ad  
claram DEI visionem in Cælum admittuntur, XVI. DEUS  
omnia & singula futura contingentia libera, & absoluta,  
certissimè cognoscit. XVII. Porro libera sub conditione fu-  
tura, non videt DEUS in decretis absolutis, ex parte sui, &  
conditionatis duntaxat, ex parte creaturæ. XVIII. Sed li-  
bera conditionatè futura, videt per scientiam mediam, in  
qua includitur DEI decretum, de futuritione rei conditiona-  
tè ponendum, tanquam pars conditionis, sub qua res esset  
futura, & ut talis prænoscat. XIX. DEUS nulla ratione  
vult mala culpæ, licet ea permittat, vultq; sincere omnium sa-  
lutem hominum, nullo excepto. XX. Christus pro omni-  
bus omnino hominibus nullo excepto mortuus est. XXI.  
Prædestinatio ad gloriam, sit ex prævisis gratiæ meritis.  
XXII. Sunt in Deo tres Personæ realiter a se invicem distin-  
ctæ. XXIII. Spiritus Sanctus vera est persona, per se substi-  
stens. XXIV. Filius Dei verus est DEUS, Patriq; Consub-  
stantialis. XXV. Spiritus S. est verus DEUS Patri, Filio-  
què consubstantialis. XXVI. Duæ sunt in DEO processio-  
nes, nec plures nec pauciores. XXVII. Principium *Quo* pro-  
ximum Processionum Divinarum, est Intellectus, & Volun-  
tas, prout connotant relationes Paternitatis, & Spirationis  
activæ. XXVIII. Spiritus S. verè a Filio porcedit. XXIX.  
Justitia originalis, Sanctitas, & Immortalitas in homine In-  
nocente fuit supernaturalis, ac consequenter possibilis fuit  
status naturæ puræ. XXX. Mysterium Incarnationis est  
possibile. XXXI. Quod maximè Deo fuit conveniens, &  
homini redimendo. XXXII. Messias à multis sæculis jam  
venit. XXXIII. Hicq; est JESUS Nazarenus in lege promissus

sus

Aug 82/5



sus. XXXIV. Verbum Divinum vi præsentis Decreti, non  
 fuisset incarnatum si homo non peccasset. XXXV. Illudq: ve-  
 rum & reale Corpus assumpsit. XXXVI. Nec non etiam vo-  
 luntatem humanam; proindeque in Christo non una, sed  
 duplex est voluntas, non una sed duplex est volitio, seu ope-  
 ratio XXXVII. Christus vere, proprie, & perfectè pro no-  
 bis satisfecit. XXXVIII. Cultus Imaginum Christi ac San-  
 ctorum, licitus est ac religiosus. XXXIX. MARIA Mater  
 Christi semper fuit Virgo, ante partum, in partu, & post  
 partum. XL. Nullus homo lapsus, sive Justus, sive inju-  
 stus in præsentis statu potest sine gratia interiori præveni-  
 ente efficere aliquod opus salutare, id est opus conducens  
 ad vitam æternam. XLI. Infidelis potest absque gratia ali-  
 quod bonum opus morale naturalis ordinis velle, & facere.  
 XLII. Homo lapsus nullam gravem tentationem potest absq:  
 auxilio gratiæ vincere, etiam victoria sterilis. XLIII. Datur  
 in statu naturæ lapsæ, gratia verè & relativè sufficiens, cui  
 tamen dissensû libero, resistat humana voluntas. XLIV.  
 Hæreticum est efficaciam gratiæ repetere ex delectatione,  
 Cælesti, indeliberata relativè ad minorem oppositam con-  
 cupiscentiam victricè voluntatem ad consensum necessitan-  
 te. XLV. Neq: ejus efficacia potest repeti ex prædeter-  
 minatione Physica. XLVI. Sed probabilis est istorum systema,  
 qui efficaciam gratiæ repetunt, ex ipsa virtute gratiæ, tanquã  
 á causa, a quâ effectus contingenter, & liberè egreditur in ali-  
 quâ temporis differentia, sub directione scientiæ Dei mediæ.  
 XLVII. In justificatione impij peccata verè remittuntur, &  
 eradicantur. XLVIII. In qua fit interior hominis renovatio:  
 per gratiam animæ ejus inhærentem. XLIX. Sola fides ad ju-  
 stificationem non sufficit. L. Justitia non est æqualis in  
 omnibus sed unus altero est sanctior, & justior. LI. Justifi-  
 catio est amissibilis, & revera amittitur per subsequens pec-  
 catum. LII Bona Justorum opera, apud DEUM Sunt verè  
 & propriè meritoria. LIII. Beatitudo formalis essentialiter

consi.



consistit in summo gaudio quo Beati de Deo viso, & amato perfunduntur. LIV. Futura est omnium hominum Resurrectio. LV. Admerendum vel demerendum in præsenti statu naturæ lapsæ, requiritur libertas in differentiæ, seu à simplici necessitate, nec sufficit libertas à coactione. LVI. Unde homo lapsus est liber, ad bonum & malum non solum libertate à coactione, sed etiam à necessitate simplici antecedente. LVII. Prælati Ecclesiæ habent potestatem ferendi Leges Ecclesiasticas. Nec non etiam principes sæculares, sive boni, sive mali Leges Civiles LVIII. Ad peccandum formaliter, necessaria non est actualis cognitio malitiæ actionis, vel actuale de eadubium. LIX. Datur peccatum originale. LX. Septem sunt novæ Legis Sacramenta, nec plura, nec pauciora. LXI. Quæ producunt gratiam non physicè sed moraliter. LXII. Extrema unctio, est verum & propriè dictum Sacramentum. LXIII. Minister Sacramenti Matrimonij non est Parochus, sed sunt ipsi Contrahentes.

Ad M. D. G. V. J. C. Honorem

---

*Propugnabuntur publicè in Conventu Varsaviensi ad  
Transfigurationem Domini, R. R. P. P. Capucinorum  
Anno Dni 1775. Diebus 31 Mensis Julij Mense*





Krahov  
B 12 12

19

Theologia scholastica iuxta mentem Venerabilis  
Joannis Duns Scoti et Scotistarum Ad Aedes Librari Principis  
Dis ~~Dis~~ Divinissimi Casimiri tradita

praefatio

liber I Sententiarum

Tractatus de virtutibus

17 junii 1754

(AD 1756 8 julii)

liber III Sententiarum de Incarnatione Verbi Divini (8 julii 1756)

" IV

"

de Sacramentis. de novissimis



4488683



